

四庫類書叢刊

古今事文類聚
五



四庫類書叢刊

古今事文類聚

(宋)祝允明撰

(五)

上海古籍出版社

欽定四庫全書

子部
古今事文類聚外集卷二

詳校官中書臣沈鵬

侍讀臣孫球覆勘

總校官編修臣王燕緒

校對官中書臣王家賓

膳錄監生臣李廷對

欽定四庫全書

古今事文類聚外集卷二

元 富大用 編

東宮官師

三師三少

歷代公卿三王教世子立太傅少傅以養之文王世子

人則有保出則有師成王幼在襁褓太公為太師漢

高帝九年以叔孫通為太子太傅位次太常後漢太

欽定四庫全書

傅一人中二千石禮如師不領官屬少傅二千石悉

主太子官屬魏太傅於太子不稱臣少傅稱臣晉咸

寧中傅六傅之職東晉以景帝諱師故改太師為太

保梁三少各一人掌奉皇太子以觀三師之德後齊

以太師太傅太保為三師少師少傅少保為三少唐

三師三少官不必備唯其人無其人則闕之太子太

師太傅太保各一人從一品少師少傅少保各一人

從二品宋師傅不常設仁宗升儲置三少各一人李

欽定四庫全書

古今事文類聚外集

二

文定公以參知政事兼掌賓客及陞左相遂進兼少傳此宰相兼官僚之所從始也丁謂兼少師馮拯兼少傅曹利用兼少保是時實為東官官餘多以前宰執為致仕官若太子太師太傅太保以待宰相官未至僕射者及樞密使致仕亦隨本官高下除授太子少師少傅少保以待前執政其少師非經顧命不除若本官至尚書即除少傅丞郎給諫只除少保若因遷轉則進一官至太師即還司空矣天禧末皇太子同聽政乃以首相兼少師樞密曹利用兼賓客自後東官皆不置開禧三年史同知自詹事入樞府乃進兼賓客已而太子侍立違以錢丞相兼太子少傅明年並置二相左相改兼少師右相兼少傅元置太子太師太傅太保掌以道德輔導太子少師少傅少保掌明三師德行以諭太子而論諸道其人不必備庫書要語凡三王教世子必以禮樂立太傅少傅以養之欲知父子君臣之道也太傅審父子君臣之道以示

欽定四庫全書

古今事文類聚外集

三

之少傅奉世子以觀太傅之德行太傅在前少傅在後入則有保出則有師是以教喻而德成也師也者教之以事而論諸德者也保也者謹其身以輔導之而歸諸道者也世文王選天下端士孝悌多聞有道術者以輔翼之故太子見正事聞正言行正道左右前後皆正人也大義樂正司業父師司成一元良萬國以貞注司言樂正教以業父師教以成世文王尊敬師傅詩序國之將興尊師重傅也漢先王之建太子必擇九德之師六行之傅謝表實資六傅之賢用弘三善之益白集太師太傅太保掌輔導皇太子少師少傅少保掌晚三師德行以諭皇太子奉太子以觀三師之道德唐志三少之職掌教諭太子舊唐太子三師以道德輔教太子者也至於動靜起居言語觀聽皆有以師焉靖通

古今事文

周召保傅

賈誼上疏曰昔者成王幼在襁褓召公為太保周公為

太傅太公為太師保其身體傳其德義師尊之教

訓此三公之職也於是為置三少皆上大夫也曰少保少傅少師是與太子宴者也故乃孩提有識三公三少固明仁孝禮義以道習之遂去邪人不使見惡行

前漢本傳

廣受師少

疏廣為太子太傅兄子受為少傅在位五歲皇太子年十二通論語孝經廣謂受曰吾聞知足不辱知止不殆今仕至二千石官成名立如此不去懼有後悔即日父子

欽定四庫全書

古今事文類聚外集

四

上疏乞骸骨公卿故人設祖道供帳送者車數百兩道路觀者皆曰賢哉二大夫

同上本傳

令太子拜

晉武帝時有司奏東宮二傅禮儀不同帝曰崇敬師傅所以尊教前世之令典也何論臣與不臣其令太子拜之

晉書

見輒先拜

唐順帝為皇太子禮重師傅見輒先拜

順宗實錄

生即置輔弼

唐太宗謂庶子于志寧曰古者太子既生士負之即置輔弼成王幼小周召為師是也

請赴資善堂

宋朝仁宗為皇太子宰相丁謂馮拯兼少師少傅樞使曹利用兼少保叅政王曾樞副錢惟演兼賓客謂等因請師傅十日一赴資善堂賓客以下隻日互陪侍講學

上從之

石林燕語

欽定四庫全書

古今事文類聚外集

五

古今文集

雜著

經筵劄子

程頤

三代之時人君必有師傅保之官師道之教訓傳傳其德義保其身體後世作事無本知求治而不知正君知規過而不知養德傳德義之道固已疎矣保身體之法無復聞馬臣以為傳德義者在乎防見聞之非節嗜好之過保身體者在乎適起居之宜存畏謹之心臣欲

乞皇帝左右扶持祇應宮人內臣並選年四十五以上
厚重小心之人服用器玩皆須質樸應華巧奢麗之物
不得至于上前要在侈麗之物不接於目淺俗之言不
入於耳及乞擇內臣十人充經筵祇應以伺候皇帝起
居凡動息必使經筵官知之有剪桐之戲則隨事歲規
違持養之方則應時諫止調護聖躬莫過於此

太子太師

唐書要語師範國儲唐陸象輔翼春闈是資教導陸宣

欽定四庫全書

四

唐書要語師範國儲

六

李德太師制傳道元子師長庶僚唐孫述行信宜優天秩

之榮俾極宮臣之位同上作訓元儲許敬宗除晨謁金墀

事切於忠塞夜隨銀榮義先於調護同上贊翼皇儲允歸

師保曲阜行岐王來儀博望同上官師之尊曲阜

之奇

古今事實

銀印青綾

晉官品令云太子太師銀印青綾

始同三品

長孫無忌為太子太師同中書門下三品同三品自此

始唐林

迎崇賢門

晉東宮故事皇子詣崇賢門迎師傅

居詹事府

為定為太子詹事時掌臣鄭覃為太子太師欲於尚書

省上事定奏曰據六典太師居詹事府不合於都省禮

欽定四庫全書

四

唐書要語師範國儲

七

上乃詔於本司上事人推美之

詔答辭疾

唐太子承乾與魏王泰交惡帝曰當今忠塞責重無跡

魏徵遣傳太子慰天下之望羽翼固矣即拜太子太師

徵以疾辭詔答曰漢太子以四皓為助我賴公其義也

公雖臥病可擁全之唐書

遺表書笈

唐太子太師魏玄成薨太宗謂侍臣曰玄成已沒朕遣

入至宅就其書函得表一紙云天下之事有善有惡任善人則國安用惡人則國亂公卿之內有愛有憎所宜詳慎若愛而知其惡憎而知其善去邪勿疑任賢勿貳可以興矣朕思之恐不免斯事公卿侍臣可書之於笏知必諫也

八十守節

顏真卿改太子太師李希烈陷汝州盧杞乃建遣真卿四方所信若往諭之可不勞師而定詔可公卿皆失色

欽定四庫全書

古今事文類聚卷八

八

李勉以為失一元老貽朝廷羞密表固留至河南府南尹鄭叔則以希烈反狀明勸不行答曰君命可避乎既見希烈時來滔王武俊田悅李納使者皆在坐謂希烈曰聞太師名德久矣公欲建大號而太師至求宰相孰先太師者真卿叱曰若等聞顏常山否吾兄也祿山反首舉義師後雖被執詬賊不絕於口吾年且八十官太師吾守吾節死而後已豈容若等脅邪諸賊失色

唐本傳

八十如儀

盧鈞守太子太師帝元日大饗含元殿鈞年八十升降如儀音吐鴻暢舉朝咨歎

太子太傅

韋書要語太傅審父子君臣之道以示之

漢書崔駰極腰

銀榮深佩玉

記堂新書保傅承華卿改制承華太子門

文選曰遵彼承

華又曰高步承華皆謂太子諸官

升傳儲官

曲阜行姚福太

東朝二品

行將九車太傅制東朝太子朝也

文選曰東朝既建

擇名儒任先疏廣晉崇碩德選在山濤

六帖

太子太傅曰

欽定四庫全書

古今事文類聚卷八

九

就月將琢磨玉簡言太子有玉之質琢磨以道也

應劭漢官儀

儀

詩句灼灼英台裁義德傳

沈約詩言太子太傅

古今事實

銀章青綬

太子太傅銀章青綬佩蒼玉

與服志

佩水蒼玉

二傅進賢兩梁冠黑介幘五時朝服佩水蒼玉

諫嗜鮑魚

周文王使太公望傳太子發發嗜鮑魚望曰鮑不登于俎安有非禮之物養太子哉

諫易太子

前漢叔孫通為太子太傅高帝欲以趙王如意易太子通曰太子天下之本一搖天下震動奈何以天下為戲帝曰吾聽公言傳本

視尚書位

欽定四庫全書
梁太傅一人位視尚書令百官志

以名臣拜

後漢明帝鄧禹先朝名臣拜太傅

以驃騎領

王充以驃騎大將軍領太子太傅

擇保相材

齊王攸為太子太傅獻歲太子曰保相之材必擇賢明

為世儒宗

賀循為太子太傅時朝廷初建勳有疑義宗廟制度皆循所定朝野諮詢一時儒宗矣又循為太傅為世儒宗命皇太子親往拜之

執子弟禮

晉東宮舊事皇太子於二傅執子弟禮二傳入見太子詣崇賢門迎太子為二傳拜合答拜入坐對坐張勃傳

輦導太子

山濤為太傅講於宣武堂東步輦導太子

躬訓儲宮

晉賀循為太子太傅詔曰循清貞履道居身以冲約為本立德以仁遜為行躬訓儲宮默而化成中興書

為儲訓

傅暢晉公卿禮秩太傅立草少傅書真以為儲訓

傳論語

魯論語二十篇太子太傅夏侯勝等傳之論語序

傳不稱臣

魏太傅於太子不稱臣

見而正服

何夔字叔龍為太子太傅每月朔太傅入見太子太子

正法服而禮焉

魏志

聞名禮召

吳程秉事鄭玄避亂交州與劉熙考論大義遂博通五經權聞其名儒以禮召既到拜太子太傅

三國志

召對改容

欽定四庫全書

古今事文類聚外集

十一

吳張溫少修節操孫權聞之問曰溫當今與誰為比顧雍曰當今無輩召見占對觀者傾悚權改容加禮拜議郎還曹尚書尋太子太傅

吳志

召訪政理

唐趙宗儒太初進太子太傅文宗召訪政理對曰堯舜之化慈儉而已願陛下守之帝納其言

疾病吟詠

白居易授太子太傅進封馮翊縣開國侯四年冬得風

疾伏枕者累月乃放諸妓女素蠻等仍自為墓誌病中吟詠不輟

皆推石奮

石奮孝文時恭謹舉朝無與比太子太傅缺選可傳者皆推奮遂為太子太傅奮子慶循行孝謹元符元年立太子選羣臣可傳者慶自沛守為太子太傅

即拜張佚

顯宗始立為皇太子詔問誰可傳太子者羣臣皆言陰

欽定四庫全書

古今事文類聚外集

十一

識可傳士張佚曰今陛下立太子為陰氏乎為天下乎即為陰氏則陰侯可為天下則固宜用天下之賢才帝曰欲置傳者以輔太子也今博士不難正朕況太子乎即拜佚為太子太傅榮為少傅

後漢書榮傳

奉觴為壽

疎廣字仲翁為太子太傅廣兄子受為少傅宣帝置酒太子躬奉觴以為壽上甚嘉之後竝上疏乞骸骨

詳見總六

別案奉對

唐太宗代高麗高士廉攝太子太傅仍典朝政皇太子下令攝太傅申國公士廉朝望國華儀刑攸屬寡人忝膺監守實資訓導此日聽政常屈同榻庶因咨白以祛蒙蔽但據案奉對情所未安所司宜別以一案供太傅素服報恩

漢夏侯勝為太子太傅受詔撰論語年九十卒太后為勝素服五日報師傅之恩儒者以為榮

欽定四庫全書

通鑑紀事本末卷之六

賜第私讓

唐于志寧遷太子太傅常與右僕射張行成俱蒙賜第志寧奏曰臣居闕右代襲箕裘周魏以來基址不墜行成等新營住宅尚少田園於臣有餘乞申私讓

太子太保

羣書要語保也者謹其身以輔翼之而歸諸道者也
王文子召公為保書凡三王教世子入則有保記詳見入則有保保其身體賈誼賈誼春宮保氏曲阜隆春宮三太

名秩甚尊同上行錄

古今事實

以開府加

劉寔字子真以特進開府加太子太保王德

以特進行

懷帝以荀組為侍中特進行太子太保

能保吾子

後魏顯祖將禪位於京兆王子推陸覲抗言皇太子聖

欽定四庫全書

通鑑紀事本末卷之六

德承基四海屬望臣請劍頸殿廷有死無二久之帝意解語曰觀直臣也其能保吾子遂以為太保

德導太子

唐蕭瑀為太子太保太宗曰三師以德導太子者也禮

不專則無所取法

詣朝五奏

張茂昭憲宗元和二年詣朝五奏乃聽願留不許加兼

太子太保

寵異分班

宋朝王溥乾德二年罷為太子太保故事一品班於臺省之後太祖因見溥曰溥舊相當寵異之即令分臺省班於東西

史國

太子少師

古今事實

太子親拜

唐貞觀初李綱為太子少師為陳父子君臣之道問寢視膳之方聽者忘倦太子嘗商榷古來君臣孝忠盡節之事綱凜然曰託六尺之孤寄百里之命古以為難綱以為易每吐論發言辭色慷慨有不可奪之志太子未嘗不聳然禮待又綱有脚疾而不堪踐履太宗令輿入東宮皇太子引上殿親拜之

太子行拜

房玄齡為太子少師時皇太子將行拜禮備禮以待之玄齡厚自推損不敢修謁識者重其宗議

又曰姚崇

議選蕭悅

文宗議選舊德保護東宮乃以太子少師召蕭悅

詔選玄齡

貞觀中房玄齡為太子少師玄齡選位詔不許太宗因謂侍臣曰太子師保古難其選

分給院錢

王起改太子少師起治生無檢所得祿賜為童婢盜有貧不能自存帝詔曰益仙詔院錢議者謂與院臣分給可恥也起賴其入不克還

特賜步輿

李綱拜太子少師綱素有脚疾太宗特賜步輿令乘至閣下數引至禁中間以政道

乘馬入省

許敬宗為太子少師乾封初以年老不能行步特令朝日乘小馬入禁門至內省

兩李少師

元和以來宰相有兩李少師故以所居別之一曰靖安

少師一曰永寧少師

林藏

黃軫少師

後魏郭祚領太子少師祚從世宗幸東宮明帝幼弱持一黃軫出奉之時謗祚者號為黃軫少師

太子少傅

唐書要詔少傅奉世子以觀太傅之德行而審諭之

漢桓榮之賜輜車晉山濤之乘小輦

記室漢用名儒任新書

欽定四庫全書

古今事文類聚卷之六

十六

先疎受晉推碩德選在羊公

孔白

宮傳之亞

洪永

可領

調護之任

白集行

俾登儲副之榮

宋朝

太傅少傅並不

朝朔望

漢此

古今事實

張良臥傳

漢高帝謂張良曰子房雖疾強臥傳太子時叔孫通已為太傅張良行少傅事

匡衡即對

匡衡為太子少傅數上書陳便宜及朝廷有政義即議經以對言多法義上以為任公卿

接以賓禮

王儉拜太子少傅朝議太子接少傅以賓友之禮

南史

賜以車馬

後漢桓榮字春卿顯宗立為皇太子以榮為少傅賜以輜車乘馬榮大會諸生陳其車馬印綬曰今日所蒙稽

古之力可不勉哉

並漢書

欽定四庫全書

古今事文類聚卷之六

十六

賜乘小輦

晉山濤為少傅拜太子求退帝賜小輦乘之以訓太子

白六

三世傳東宮

吳薛綜為太子少傅子榮孫皓時為太子少傅晉平吳

子兼事元帝亦為太子少傅自綜至兼三世傳東宮

西南謝太子

孝明帝在東宮宣武皇帝欲以崔光為太子師傳光固

辭帝令太子南面再拜宮臣皆從太子拜光北面立不敢答拜唯西面拜謝而出乃授太子少傅

秉德履道

山濤轉少傅詔曰秉德冲素心思潛通清虛履道有古人之風

秉德尚義

山公啟事皇太子始之東宮四海屬望保傳不可不高天下之選羊祜秉德尚義克已復禮又尚年少可久其欽定四庫全書
古今事文類聚外集卷一 三十一

外參傳訓

周顒字伯仁拜太子少傅上疏曰臣學不通一經智不效一官乃欲使臣內管銓衡外參傳訓質輕蟬翼事重千鈞此之不可不待議而明矣
晉書 輿書

得輔道義

華廙字長駿達少傳得輔道之義

不言之益

周顒拜少傅詔云有不言之益
並晉書

以老乞辭

唐張行成拜左僕射太子少傅永徽四年二月不雨至五月行成懼以老乞身制答曰古者策免重罪已之義朕寡德非宰相咎乃賜官女黃金器勅勿復辭行成固請

賜三傑詩

源乾曜為少傅與左右丞相宋璟張說賜宴尚書省帝欽定四庫全書
古今事文類聚外集卷一 三十一

定二傳拜

何曾議太子少傅當稱臣拜荀顗曰太之與少自二傳之名次爾非於太子有輕重也詔曰秦漢以來舊章廢滅隨時改作其舊不可依用宜准古義遂定二傳不拜

疏受閒雅

疏受為少傅辭理閒雅

王丹正直

王丹為少傅名德重於當時又東觀漢記丹為少傅塞
塞正直為太子少傅

魏志

古今文集

雜著

少傅箴 為太子少傅作

傅立

箴曰正人在側德義盈堂庑肆先入蘭臺不芳傳臣司
計敢告君王

又後魏時為少傅以
綱領是職乃作

蕭圖

欽定四庫全書

古今文集

三

箴曰愛惜日力寸陰毋棄親膳再飯寢門三至小心翼
翼大孝蒸蒸詢謀計慮問對疑丞安樂必敬毋忘戰兢

太子少保

羣書要詔東朝保傅歷代尊榮

白集行風
較少能制

亞保春坊

洪武

古今事實

知公直士

唐李綱兼太子詹事頻乞骸骨高祖慢罵之曰建成在
東宮遣卿輔導何為屢致辭乎綱頓首陳謝曰

云陸

下功成業泰頗自矜伐臣事太子所懷鄙見復不採納
高祖謝曰知公直士勉勵我兒於是擢太子少保上書
太子曰綱備立保傅冀得效愚鄙殿下飲酒過量非養
生道凡為太子務孝謹以慰上心不宜聽受邪說與朝
廷生忤間太子不悛

手勅稱名

李綱為太子少保高祖以其隋氏名臣甚加優禮手勅
未嘗不稱名其見重如此

並唐書

欽定四庫全書

古今文集

三

賦詩歡會

唐李適之為右相李林甫密奏其好酒頗妨政事玄宗
感焉乃除太子少保適之遂命親故歡會賦詩曰避賢
初罷相樂聖且銜盃為問門前客今朝幾箇來舉朝服
其度量

太常換散秩

長慶中以兼太常卿趙宗儒為太子少保太常有師子
樂備五方之色非朝會聘享不作焉至是中人掌教坊

之樂者移牒取之宗儒不敢違以狀白宰相宰相以為
事在有司執守不令闕白而宗儒憂恐不已宰相懦怯
不任事故以散秩

輔臣領東宮

宋朝天禧四年以資政殿大學士王欽若為司空職如
故欽若以輔臣兼領東宮三少

欽定四庫全書

古今事文類聚外集

卷一

古今事文類聚外集卷一

欽定四庫全書

古今事文類聚外集卷二

元 富大用 編

東宮官部

太子詹事

附 少詹事

歷代沿革泰官

應劭曰詹事省也給也

秩二千石漢因之掌太子家

位在長秋上竇嬰太后兄子景帝即位為詹事文帝

以鄭當時為景帝詹事昭帝以韋賢為詹事成帝鴻

欽定四庫全書

古今事文類聚外集

卷二

嘉三年省後漢省詹事太子官屬悉屬少傅總復置
詹事領東宮衆務晉以保傅位尊不宜親細務武帝
咸寧初用黃門侍郎楊珧為詹事掌東宮之任後省
江左復置齊置府領官屬梁陳任總官朝後魏有太
子左右詹事北齊東宮衆事無小大皆統之唐置詹
事府詹事一人正三品少詹事一人正四品上掌內
外衆務糾彈非違總判府事置少詹事以貳之龍朔
改端尹少尹咸亨復垂拱改官尹神龍復宋東宮官

有詹事仁宗升儲置詹事二人神宗欽宗升儲並置
二人多以他官兼充從三品少詹事正六品元置太
子詹事從三品掌知東宮內外庶務統領判院事少
詹從四品掌貳詹事

庫書要語儲端仕顯東西兩晉茲選特難注儲端太子
詹事也

沈約齊
安陸碑

宮端

江總為
端分記

詹事彈肅一宮

王僧
徐選書

彈連是屬宜肅事於東朝

胡許王
子詹事

儲端華重實異常

司

陸
張偉制

官坊清班

白集行
龍樓上僚

弼諧儲副必

欽定四庫全書

古今事類
卷二

詹事

李寬

漢朝選德禮儀峻於

侯才英總務宮端允資忠蓋

李寬

博望斷裁之規輿情

食屬承華彈肅之寄任賢斯在

並同

尚居端尹之榮

李

制 皇太子霞褰青殿日晃春宮駕紫谷之英振洛望之

響自非器上白雲韻同明月何以延芳芝苑神羽瓊條

寶嬰威貴於西京陸離風嘉於東國伊人之美方曰可

舉

孔
主表

古今事實

青綬

晉詹事品第三銀章青綬絳朝服兩梁冠

衣錦

唐張行成轉太子少詹事太宗東征太子於定州監國

即行成本邑太宗謂行成曰送公衣錦還鄉於是令有

司祀其先人墓

雅意墳史

劉憲還太子詹事時玄宗在東宮雅意墳史憲曰殿下

欽定四庫全書

古今事類
卷二

詹事

李

儲副非以尋章摘句要通大意而已侍讀儲元亮經明

行修宜召問以察其言

妙選賢材

晉武帝以王恭為太常尹領太子詹事恭讓表曰今日

王儲始建四方是式總司之任崇替所由宜妙選賢材

盡一時之勝

霸以經授

孔霸宣帝時以經授太子為詹事

古今事實

挺上書諫

姚挺遷詹事兼左庶子節愍太子稍失道挺凡四上書諫中宗嘉歎焉

據禮當集

馮定改太子詹事鄭覃兼太子少師上曰欲會尚書省定據禮當集詹事府論者多其正

征羌有功

晉謝琰征羌有功為輔國將軍領太子詹事

欽定四庫全書

古今事文類聚外集

四

舅得詹事

張說女嫁盧氏嘗為舅盧公求官候父下朝而問焉父不語但指牀龜而示之女歸告其夫曰舅得詹事矣

弟代詹事

鄭鑑字利用為太子詹事鑑卒弟代為詹事

不得詹事

羊琇少與武帝同年相愛常謂帝曰若得天下用我為領護軍太子詹事武帝即位琇但為左衛將軍不得詹

事也

員外詔歸

嚴挺之徙絳州帝顧林甫曰挺之安在此其材可用林甫召其弟損之曰天子視絳州厚要當以事自解歸林甫見上且大用因給挺之使稱疾即奏挺之春秋高有疾幸得閒官自養帝恨叱久之乃以為員外詹事詔歸東都

長史屈除

欽定四庫全書

古今事文類聚外集

五

高宗為皇太子轉幸勅太子詹事右弼率太宗謂曰我兒新登儲貳卿舊長史故有此除雖屈隋賁可勿怪也

弼諧審喻

唐李綱為太子詹事太子嘗遊有進魚者太子使膳之唐儉趙元鼎自言其能太子曰操刀膾脰和鼎味公等善之若弼諧審喻則屬綱矣

文華無藉